



Broj: 01-04-5-15424/23  
Sarajevo, 23.11.2023. godine

U skladu sa članom 70. Zakona o javnim nabavkama BiH („Službeni glasnik BiH“ broj: 39/14 i 59/22) i preporukom Komisije za nabavke iz Zapisnika o pregledu i ocjeni ponuda broj: 08-11-15-15016/23 od 13.11.2023. godine, a na osnovu člana 15. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom broj: 01-02-2-7266/23 od 30.05.2023. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 32. sjednici održanoj dana 23.11.2023. godine d o n o s i

**ODLUKU**  
**o izboru ponuđača Union banka d.d. Sarajevo za javnu nabavku**  
**bankarskih usluga - LOT 3**

**I**

Prihvaća se preporuka Komisije za javne nabavke imenovane Odlukom broj: 01-04-5-12483/23 od 18.09.2023. godine u postupku nabavke bankarskih usluga putem otvorenog postupka, te se donosi odluka o izboru ponuđača:

Union banka d.d, Sarajevo, za ponuđenu cijenu u iznosu od 3.977,00 KM bez PDV-a, te se imenovanom ponuđaču dodjeljuje ugovor.

**II**

Izabrani ponuđač je dužan u roku od 5 (pet) dana od dana dostavljanja ove Odluke dostaviti nove obrasce za cijenu, a koji sadržavaju smanjenje cijene iz e-aukcije.

**III**

Izabrani ponuđač je dužan u roku od 5 (pet) dana od dana dostavljanja ove odluke dostaviti originale ili ovjerene kopije dokumenata predviđenih članom 45. Zakona o javnim nabavkama, a poblje navedenih u tački 7.1.3. Tenderske dokumentacije broj: 08-11-15-12526/23 od 18.09.2023. godine.

**IV**

Prijedlog ugovora o javnoj nabavci dostaviti će se na potpis izabranom ponuđaču po isteku roka od 15 (petnaest) dana od dana kada svi ponuđači koji su učestvovali u predmetnom postupku nabavke budu obaviješteni o izboru ponuđača.

**V**

Ova odluka objavit će se na internet stranici Fonda u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

## VI

Ova odluka stupa na snagu danom donošenja i dostavlja se svim ponuđačima koji su učestvovali u predmetnom postupku javne nabavke, u skladu sa članom 71. stav (2) Zakona o javnim nabavkama.

### OBRAZLOŽENJE

Postupak javne nabavke je pokrenut Odlukom o pokretanju postupka javne nabavke broj: 01-04-5-12482/23 od 18.09.2023. godine. Javna nabavka je provedena putem Otvorenog postupka. Procijenjena vrijednost nabavke za LOT 3 iznosi 14.280,00 KM bez PDV-a.

Obavještenje o nabavci broj: 175-1-2-81-3-38/23 poslato je na objavu dana 18.09.2023. godine, te je istog dana objavljeno na portalu javnih nabavki.

Tendersku dokumentaciju je preuzelo petnaest (15) privrednih subjekata, a izmjenu tenderske dokumentacije osam (8) ponuđača, a šest (6) ponuđača je dostavilo ponude u predmetnom postupku nabavke.

U ovom postupku kriterij za dodjelu ugovora je najniža cijena.

Ponude su dostavili sljedeći ponuđači:

Redni broj	Naziv i sjedište ponuđača	Cijena na (javnom) otvaranju- pojedinačni-12 mjeseci KM (bez PDV-a)	Cijena na (javnom) otvaranju- okvirni sporazum- 24 mjeseca KM (bez PDV-a)	Ponuđeni popust
1.	Sparkasse banka d.d, Sarajevo	2.837,00 KM	5.674,00 KM	0 %
2.	Intesa Sanpaolo banka d.d, Sarajevo	4.047,00 KM	8.094,00 KM	0 %
3.	Union banka d.d, Sarajevo	7.140,00 KM	14.280,00 KM	0 %
4.	UniCredit Bank d.d., Mostar	3.320,00 KM	6.640,00 KM	0 %
5.	ASA Banka Naša i snažna d.d., Sarajevo	5.524,00 KM	11.048,00 KM	0 %
6.	Bosna Bank International d.d., Sarajevo	7.117,00 KM	14.234,00 KM	0 %

Nakon izvršenog otvaranja ponuda, Komisija je pristupila analizi dokumentacije priložene uz ponude u smislu provjere njihove validnosti s obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponuda u skladu sa procedurama i pravilima utvrđenim tenderskom dokumentacijom, te Zakonom o javnim nabavkama BiH, odnosno pripadajućim podzakonskim aktima i utvrđeno je sljedeće:

- I. Da ponuda pod rednim brojem 5. ponuđača ASA Banka d.d. nije potpuna, jer je dostavljen djelimičan dokaz o adekvatnosti kapitala, tj. stope regulatornog kapitala banke na dan 31.12.2022. godine. Ponuđač je dostavio samo izjavu da isti ima stopu adekvatnosti kapitala iznad propisane minimalne stope, utvrđene relevantnim propisima, ali nije dostavio kopiju finansijskih izvještaja (koji se dostavljaju nadležnoj Agenciji za bankarstvo) kako bi se utvrdili podaci iz Izjave. Ugovorni organ može od

ponuđača tražiti pismenim putem, da u roku od 3 (tri) dana pojasne dokumente koje su dostavili, u skladu sa članom 45. do 51. Zakona o javnim nabavkama ili da dostave originalne dokumente radi poređenja sa kopijama, koje su dostavljene uz ponudu, a s ciljem otklanjanja formalnog nedostatka dokumenta. Ugovorni organ se pismenim putem, broj: 08-11-15-13796/23 od 16.10.2023.godine, obratio ponuđaču Asa banka d.d. Sarajevo sa zahtjevom o pojašnjenju na dostavljene dokaze, obzirom da ponuđač nije dostavio kopiju izvještaja o adekvatnosti kapitala, tj stope regulatornog kapitala banke na dan 31.12.2022.godine. Ugovorni organ je tražio da se dostavi pojašnjenje u sklopu čega je dostavljena informacija, tj. dokaz o adekvatnosti kapitala u sklopu prvobitne ponude.

Ponuđač je u roku dostavio izjašnjenje, broj: 08-11-15-14095/23 od 18.10.2023.godine. Obzirom da se dokaz po osnovu navedenog ne može dostaviti naknadno, Ugovorni organ je ponudu ponuđača odbacio kao nepravilnu.

U vezi navedene tačke 7.4. u Tenderskoj dokumentaciji - Ekonomska i finansijska sposobnost koja se odnosi na gore navedeno i dostavljanje dokaza, dana 22.09.2023. godine od strane „Bosna Bank International“ d.d je postavljeno i javno pitanje na portalu Javnih nabavki: „Poštovani, vezano za Tačku 7.4. Ekonomska i finansijska sposobnost, molimo odgovor da li kao dokaze treba dostaviti i finansijske izvještaje ili su dovoljne samo izjave banaka? Molim pojašnjenje tačke 7.4 e) u dijelu koji su to dokazi koji se zahtijevaju ? Da li su to finansijski izvještaji ?“

Ugovorni organ je odgovorio: “Vezano za tačku 7.4. Ekonomsku i finansijsku sposobnost, podrazumijeva se da uz izjavu je potrebno dostaviti finansijski izvještaj kako bi se mogla utvrditi tačnost podataka iz Izjave. Izvještaji se dostavljaju samo kao obične kopije“.

Za ovaj postupak nabavke predviđena je E-aukcija. Ugovorni organ je odredio početak i vrijeme trajanja E-aukcije u sistemu E-nabavke za sve prihvatljivatljive ponude.

E-aukcija je održana 30.10.2023. godine u 11:00 sati u trajanju od 10 minuta, ista je provedena putem portala [www.ejn.gov.ba](http://www.ejn.gov.ba) i to u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/19).

U skladu sa tačkom 3.2. Tenderske dokumentacije Okvirni sporazum se zaključuje sa jednim ponuđačem za svaki LOT pojedinačno, a u cilju obezbjeđenja disperzije rizika raspolaganja i čuvanja javnih prihoda, isti se dodjeljuju prema redoslijedu LOT-ova:

LOT 1 - najpovoljniji ponuđač će biti onaj koji bude imao najnižu cijenu definisanom kriteriju za izbor najpovoljnijeg ponuđača.

LOT 2 - najpovoljniji ponuđač će biti onaj koji bude imao najnižu cijenu shodno definisanom kriteriju za izbor najpovoljnijeg ponuđača pod uslovom da taj ponuđač nije izabran za LOT 1.

LOT 3 - najpovoljniji ponuđač će biti onaj koji bude imao najnižu cijenu shodno definisanom kriteriju za izbor najpovoljnijeg ponuđača pod uslovom da taj ponuđač nije izabran za LOT 1 ili za LOT 2.

Ugovorni organ je za LOT 3 zakazao e-aukciju za ponuđače koji ispunjavaju formalno pravne uslove, a nisu izabrani za LOT 1 ili Lot 2.

Konačna rang lista ponuđača koji su učestvovali u E-aukciji:

Redni broj	Naziv i sjedište ponuđača	IDB/JIB	Konačna cijena u KM bez PDV-a	Umanjenje cijene	Rang
1.	Union banka d.d, Sarajevo	4200640130001	3.977,00 KM	72,15 %	1
2.	Unicredit Bank d.d., Mostar	4227162980008	3.984,00 KM	40%	2
3.	Bosna Bank International d.d., Sarajevo bb	4200375980006	14.234,00 KM	0 %	3

Ponuda ponuđača Union banka d.d. Sarajevo je prvo rangirana u postupku.

Putem e-maila Ugovorni organ je zaprimio prigovor na provedenu e-aukciju od strane ponuđača „Bosna Bank International“ d.d. broj: 032-04-24770/23 od 30.10.2023. godine i Zahtjev za ponovno zakazivanje e-aukcije uz obrazloženje da se nisu mogli logovati na portal javnih nabavki. Ugovorni organ je navedeni prigovor sa priložima i zahtjevom za ponovno zakazivanje e-aukcije uputio Agenciji za javne nabavke dana 02.11.2023. godine.

U skladu sa članom 7. stav (1) i (2) Pravilnika o uslovima i načinu korištenja e-aukcije („Službeni glasnik BiH, broj 66/16“) Agencija za javne nabavke Bosne i Hercegovine je nadležna za ponovno zakazivanje e-aukcije u slučaju problema koji se dogode isključivo u okruženju za koje je nadležna ista.

Ugovorni organ je dana 13.11.2023. godine zaprimio putem e-maila odgovor od Agencije za javne nabavke BiH kojim nas obavještavaju da se ne radi o tehničkom problemu za koji je odgovorna Agencija za javne nabavke BiH. Prigovor se odnosi na nemogućnost prijave na portal javnih nabavki zbog kojeg je podnosilac prigovora propustio učestvovati u pomenutoj e-aukciji. U dokazima koji su dostavljeni jasno se može vidjeti da je korisnik upisivao pogrešno korisničko ime prilikom pokušaja prijave u sistem. Naime, korisnik je pokušao da se prijavi sa e-mail adresom „ahmet.corbo@bbi.ba“ a ne sa korisničkim imenom registrovanim u sistemu. Korisničko ime za ovog korisnika glasi: „Ahmed Čorbo“.

Također u istom obavještenju navodi da Agencija za javne nabavke BiH nema osnov da ponovo zakaže ovu e-aukciju, što je definisano članom 7. stav (8) Pravilnika o uslovima i načinu korištenja e-aukcije („Službeni glasnik BiH, broj 66/16“).

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Zapisnik o pregledu i ocjeni ponuda broj: 08-11-15-15016/23 od 13.11.2023. godine i preporuku o izboru ponuđača „Union banka d.d, Sarajevo“, ul. Hamdije Kreševljakovića 19., Sarajevo, ID: 4200640130001, za predmetnu nabavku, sa ponuđenom cijenom od 3.977,00 KM bez PDV-a.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

PREDSJEDNIK UPRAVNOG ODBORA



Dr. Senad Pešto

**DOSTAVITI:**

- Upravnom odboru
- Ponuđaču
- Sektor finansijskih i računovodstvenih poslova
- Služba za javne nabavke i informacione tehnologije
- a/a

